

Kev Pab Nrhiav Hauj Lwm Rau Cov Neeg Uas Ib Ce Tsis Meej Xeeb Pem

(Employment Services for People with Disabilities)

DVR yog dab tsi?

Wisconsin lub Laj Fai ntawm Kev Xyaum Hauj Lwm (Wisconsin Division of Vocational Rehabilitation (DVR)) yog tsoom fwv/xeev ib qho kev pab uas tsim los pab rau cov neeg uas ib ce tsis meej xeeb pem kom tau, tuav, thiab txhawb txoj kev ua hauj lwm. Peb yog Wisconsin thawj qhov chaw muab kev pab nrhiav hauj lwm rau cov neeg uas muaj kev ib ce tsis meej xeeb.

Leej Twg Thiaj Li Yuav Tau Txaix DVR Cov Kev Pab?

Tej zaum koj yuav tau txaix cov kev pab xyaum hauj lwm los ntawm DVR yog tias koj muaj kev ib ce tsis meej xeeb los sis saum hlwb uas uav ua ib qho kev nyuaj rau koj tau los sis tuav ib txoj hauj lwm. DVR yog rau cov neeg uas muaj kev ib ce tsis meej xeeb uas xav tau cov kev pab los npaj lawv mus ua hauj lwm, los sis nrhiav thiab tuav ib txoj hauj lwm.

Yog xav paub seb koj qhov kev ib ce tsis meej yuav txuam nrog rau kev ua hauj lwm li cas, koj tus neeg tawm tswv yim (counselor) yuav thov tau thiab soj ntsuam tau koj cov ntaub ntawv kho mob thiab/los sis cov kev kawm ntawv. DVR tej zaum yuav them rau cov ntaub ntawv los sis cov kev soj ntsuam txog kev kho mob, kev xav saum hlwb, los sis kev ua hauj lwm thaum uas xav tau.

Yuav kom nrhiav tau ib txoj hauj lwm zoo los sis ib txoj hauj lwm uas yuav kom zoo sib thooj, koj thiab koj tus neeg tawm tswv yim (counselor) yuav tau ua hauj lwm ua ke los soj ntsuam txog koj cov kev nyiam thiab cov kev txhawj.

DVR xav ua hauj lwm nrog rau tag nrho cov neeg uas muaj kev ib ce tsis meej xeeb pem. Tiam sis, peb tsis muaj neeg ua hauj lwm txaus los sis nyiaj txiag txaus los ua li. Li ntawv, DVR siv ib qho kev ua (Qhov Kev Xaiv) uas los pab cov neeg uas muaj cov kev ua tsis taus ua ntej yuav pab cov neeg uas tseem ua taus. DVR soj ntsuam txhua tus neeg thov kev pab uas tsim nyog los xyuas nws qhov kev ua tsis taus. Qhov

(Qhov Kev Xaiv) tej zaum yuav ncua cov kev pab yam uas ntev heev rau tej co neeg. Lub Laj Fai yuav qhia rau tag nrho cov neeg uas tsim nyog uas lawv cov kev pab yuav raug ncua.

DVR yuav xyuas seb cov kev ua nram qab no yuav txuam nrog rau koj lub peev xwm mus ua hauj lwm:

- Mus ib qho chaw rau lwm qhov (Kev Mus Los)
- Kev tham thiab mloog lwm tus, nyeeem ntawv thiab/los sis nkag siab txog cov ntawv uas luam tawm (Kev Txuas Lus)
- Kev Tu Yus Tus Kheej (Tu Yus Tus Kheej)
- Npaj hom phiaj los sis ua raws li koj cov hom phiaj (Kev Taw Qhia Tus Kheej)
- Kev coj yoog nrog lwm cov neeg (Kev Txawj Coj Yoog)
- Muaj cov kev txawj mus ua hauj lwm (Kev Txawj Ua Hauj Lwm)
- Xav tau kev hloov tom hauj lwm vim muaj kev ua tsis tau los ntawm ib ce los sis saum hlwb (Ua Tsis Taus Hauj Lwm)

Qhov Kev Ua Yuav Siv Ntev Npaum Li Cas?

DVR ib tug neeg tawm tswv yim (counselor) yuav qhia rau koj li ntawm 60 hnub tom qab koj thov kev pab yog tias koj tsim nyog rau cov kev pab. Tej thaum peb yuav tsis tau tag nrho cov moj kab sim uas peb xav tau li ntawm 60 hnub. Yog tias peb xav tau ntau tshaj 60 hnub, koj tus neeg tawm tswv yim (counselor) yuav qhia tias yog vim li cas. Koj tus neeg tawm tswv yim yuav nug koj seb nws puas yuav tsim nyog siv sij hawm ntev zog. Yog tias nws tsis tsim nyog, tus neeg tawm tswv yim (counselor) yuav tau txias txim seb koj puas tsim nyog los ntawm cov moj kab sim uas muaj. Yog tias DVR muab tsis tau cov kev pab no, koj tus neeg tawm tswv yim (counselor) yuav qhia rau koj txog lwm cov kev pab thiab cov kev pab cuam uas muaj los pab koj nrhiav hauj lwm.

DVR Yuav Muab Tau Cov Kev Pab Zoo Li Cas?

DVR muaj ntau cov kev pab. Koj thiab koj tus neeg tawm tswv yim (counselor) yuav txiav txim seb cov kev pab twg yog cov yuav zoo rau koj. Ib co kev pab yog:

- Kev Taw Qhia thiab Kev Tawm Tswv Yim
- Nrhiav thiab Tuav Ib Txoj Hauj Lwm
- Kev Pab Txog Cov Twj Siv Cov Hluav Taws Xob (Technology)
- Kev Pwv Xyaum

Kev Tawm Tswv Yim thiab Kev Taw Qhia - DVR Ib Tug Neeg Tawm Tswv Yim txoj hauj lwm yog los muab cov moj kab sim thiab qhia cov kev paub txog qhov uas kev ib ce tsis meej xeeb no muaj kev txuam li cas txog kev ua hauj lwm. Koj thiab koj tus neeg tawm tswv yim yuav tham txog koj cov peev xwm, cov kev xav tau thiab cov kev nyiam. Qhov no yog koj thawj kauj ruam los xaiv ib txoj hauj lwm los sis hom hauj lwm. Nws yuav npaj koj cov hom phiaj txog kev ua hauj lwm ua ke. Lub hom phiaj no yog hu ua Ib Lub Hom Phiaj Rau Tus Kheej Txog Kev Ua Hauj Lwm (Individualized Plan for Employment). Koj thiab koj tus neeg tawm tswv yim (counselor) yuav ntsib yam ntau li ntau tau los txhawb kom koj lub hom phiaj mus zoo. Yog tias koj cov hom phiaj hloov los sis yog tias koj muaj teeb meem, qhia rau koj tus neeg tawm tswv yim (counselor) paub.

Nrhiav thiab Tuav Ib Txoj Hauj Lwm – Kom tau ib txoj hauj lwm yog lub hom phiaj ntawm koj qhov kev pab xyaum rov ua hauj lwm. Koj thiab koj tus neeg tawm tsim yim (counselor) yuav ua hauj lwm ua ke los pab koj caum kom cuag koj lub hom phiaj uas yuav muab moj kab sim txog kev tau thiab tuav ib txoj hauj lwm. Koj tus neeg tawm tswv yim (counselor) tej zaum yuav hu rau koj tom qab koj pib hauj lwm los pab koj thiab koj tus tswv hauj lwm txog cov kev kho yog tsim nyog thiab xyuas tias txhua yam yeej mus zoo ua ntej kaw koj cov ntaub ntawv. Yog tias koj xav tau cov kev pab ntau ntxiv los pab koj tuav koj txoj hauj lwm, koj thiab koj tus neeg tawm tswv yim (counselor) yuav ua hauj lwm ua kev los npaj lawv.

Cov Kev Pab Uas Siv Hluav Taws Xob (Technology) – Tej thaum muaj ib co twj siv hluav taws xob (technological aids) thiab cov khoom uas yuav los ua kom txoj hauj lwm yooj yim zog los sis los pab rau qhov kev xyaum uas koj xav tau. Tej lub sij hawm, kev hloov hauv qhov kev ua hauj lwm yuav pab tau. Nrog koj tus neeg tawm tswv yim (counselor) tham txog seb qhov twg yuav zoo rau koj.

Kev Pwv Xyaum – Yog tias koj tsis muaj cov kev txawj ua hauj lwm uas koj xav tau, tej zaum yuav tau pwv xyaum. Koj tus neeg tawm tswv yim (counselor) yuav paub seb muaj cov kev pab cuam twg. Kev pwv xyaum yuav muaj nyob tom tsev kawm ntawv los sis ntawm chaw ua hauj lwm. Koj tus neeg tawm tswv yim (counselor) yuav ua hauj lwm nrog koj los pab xyuas cov kev pab uas tsim nyog los txhawb koj cov hom phiaj txog koj cov hauj lwm/hom hauj lwm.

Qhov Kev Pab Yuav Raug Nqi Pes Tsawg?

Tsis muaj ib tug nqi rau kev soj ntsuam, kev tawm tswv yim, kev nrhiav hauj lwm los sis cov kev pab tom qab. Lwm cov kev pab yog tswj los ntawm cov laj fai uas ua rau sawv daws thiab cov laj fai nrain hauv lub zej zos. Tej zaum yuav koj kom them ib tus nqi ntawm tej co kev pab nyob li ntawm seb koj tau nyiaj npaum li cas. Koj tus neeg tawm tswv yim (counselor) yuav qhia txog qhov uas yuav tau them ntawm cov kev pab ua ntej koj yuav tau txais cov kev pab.

Ua Hauj Lwm Ua Kev/Kev Qhia Txog Cov Kev Xaiv

Qhov uas seb koj qhov kev pab xyaum hauj lwm yuav ntev npaum li cas yog nyob ntawm koj cov kev ib ce tsis meej xeeb, txoj hauj lwm uas koj npaj rau, thiab hom kev pab uas koj xav tau. Koj, tus neeg tawm tswv yim (counselor), yog tus coj qhov kev xyaum no.

Koj yuav xyuas kom koj qhov kev xyaum no vam meej los ntawm:

- Mus rau tag nrho cov sij hawm uas teem cia thiab mus kom ncaj sij hawm
- Qhia kom tseeb txog koj cov kev xav thiab kev xav tau
- Nug yog tias koj tsis nkag siab txog tej yam dab tsi
- Ua koj cov thiv meem uas tau hais los hauv koj Ib Lub Hom Phiaj Rau Tus Kheej Txog Kev Ua Hauj Lwm (Individualized Plan for Employment)
- Qhia rau koj tus neeg tawm tswv yim (counselor) paub txog cov kev hloov hauv koj qhov chaw nyob, xov tooj, los sis teeb meem

Koj tus neeg tawm tswv yim (counselor) yuav pab xyuas kom koj qhov kev xyauum no vam meej los ntawm:

- Kev muab tswv yim yog tias xav tau
- Qhia cov moj kab sim kom koj paub xaiv
- Qhia rau koj paub txog koj cov cai uas ua ib tug neeg txais kev pab

Kev Tsis Qhia Rau Leej Twg Txog Cov Moj Kab Sim

Kev paub los ntawm Cov Neeg Pej Xeem Uas Nyob Hauv Wisconsin Txoj Cai Txog Kev Qhib Ntaub Ntawv Rau Sawv Daws Saib:

Cov moj kab sim txog ntawm tus kheej uas koj muab rau peb yog ib yam uas tsis pub qhia rau neeg paub los ntawm txoj cai thiab nws tsis muab rau cov neeg tag nrho uas nyob sab nrauv yog tias tsis tau kev tso cai uas sau rau hauv ntawv los ntawm koj.

Kev Qhia Tawm txog Cov Moj Kab Sim Ntawv Tus Kheej rau cov Kev Siv Uas Tau Kev Tso Cai:

Cov moj kab sim ntawm tus kheej uas yuav qhia tau tias tus neeg ntawv yog leej twg tsis yog ib yam uas yuav qhia tawm yog tias tsis tau kev tso cai los ntawm koj yam uas sau rau hauv ntawv ntshe yog tias yuav siv rau cov kev uas muaj los ntawm txoj cai los sis cov kev tswj ua (34 CFR 361.38, Ib Feem ntawm Tsoom Fwv Cov Kev Cai). Cov no muaj cov kev pab tswj mus rau kev siv rau koj; los tiv thaiv koj kev kaj huv ntawm cev thiab cov kev ruaj ntseg los sis cov pej xeem; los teb cov kev yuam los ntawm tsev hais plaub; los teb cov kev tshawb fawb txog kev ua txhaum cai; los teb rau cov kev tshawb nrhiav uas tau kev pom zoo nyob rau hauv ib qho kev cog lus uas tau kev pom zoo los sis los ua ib qho kev tshawb fawb uas tua kev pom zoo.

Txhawj Xeeb Txog Cov Kev Pab?

Yuav muaj tej lub sij hawm uas koj tsis nkag siab los sis tsis pom zoo txog DVR cov kev txiat txim. Tej lub sij hawm zoo li no qhov uas zoo tshaj yog nrog koj tus neeg tawm tswv yim (counselor) tham txog koj cov kev txhawj xeeb. Tej zaum koj yuav thov tau ib qho kev soj ntsuam nrog koj tus neeg tawm tswv yim tus thawj saib xyuas, kev sib tham nrog ib tug neeg uas muaj feem ib nrab, los sis koj thov tau kom muaj ib lub rooj rov qab soj ntsuam dua. Koj tus neeg tawm tswv yim (counselor) yuav muab moj kab sim rau koj txog kev teev ib daim ntawv soj ntsuam dua.

Qhov Kev Pab Rau Cov Neeg Txais Kev Pab (Client Assistance Program)

Qhov Kev Pab Rau Cov Neeg Txais Kev Pab (Client Assistance Program (CAP)) tsis yog ib feem ntawm DVR thiab yuav teb tau cov kev txhawj xeeb uas koj muaj txog DVR cov cai thiab cov kev ua thiab koj cov cai thiab thiv meem yam li ib tug neeg txais cov kev pab. CAP tseem yuav pab tau koj npaj thiab hais ib qho kev thov kom rov qab soj ntsuam dua. Yog tias koj nyiam txog CAP cov kev pab nug tau rau ntawm:

Client Assistance Program (CAP)
2811 Agriculture Drive
P.O. Box 8911
Madison, WI 53708-8911
800-362-1290 (V/TTY) los sis
608-224-5071 (V/TTY)

DWD yog ib tug tswv hauj lwm uas uaj kev ua hauj lwm sib npaug. Yog tias koj muaj ib qho kev tsis meej xeeb thiab xav tau cov moj kab sim no ua lwm hom ntawv, los sis xav kom txhais ua lwm hom lus, thov hu 800-442-3477 los sis 888-877-5939 (TTY).

Yuav Thov Kev Pab Qhov Twg

Yog xav paub moj kab sim ntxiv los sis xav thov kev pab, nug tau rau DVR lub chav fai uas nyob ze tshaj ntawm koj. Feem ntau cov phau ntawv xov tooj muab DVR tso rau hauv seem nom tswv nyob rau hauv "Wisconsin, Xeev ntawm; Kev Xyaum Hauj Lwm, Koom Haum ntawm". Txawm tias tag nrho peb cov chav fai muaj TTY, koj yuav xaiv tau qhov kev siv WI Kev Txuas Lus Rau Cov Neeg Tsis Hnov Lus (WI Telecommunication Relay Service (TRS)) ntawm 800-947-3529 (TTY) los sis 800-947-6644 (Suab).

Yog xav paub moj kab sim ntxiv mus xyuas DVR lub website ntawm
<http://dwd.wisconsin.gov/dvr> los sis hu 800-442-3477.